

Pregled Dokumenta | Broj 94/16

Početna (/) / Dokumenti (/Docs/) / Službene novine Federacije BiH (/Docs/Drzavni) / Dokumenti pregled

Službene novine Federacije BiH, broj 94/16

Na osnovu člana IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU DEKLARACIJE O OSUDI GOVORA MRŽNJE

Proglašava se Deklaracija o osudi govora mržnje, koju je donio Predstavnički dom Parlamenta Federacije Bosne i Hercegovine na sjednici održanoj 08.11.2016. godine.

Broj 01-02-613-01/16
23. novembra 2016. godine
Sarajevo

Predsjednik
Marinko Čavara, s. r.

DEKLARACIJA
O OSUDI GOVORA MRŽNJE

Imajući u vidu da su pravo na izražavanje, a samim tim sloboda mišljenja, sloboda primanja i širenja informacija i ideja bez miješanja javne vlasti i bez obzira na granice osnovna ljudska prava zagwarantirana Općom deklaracijom o ljudskim pravima i Evropskom konvencijom o zaštiti ljudskih prava i osnovnih sloboda;

Izražavajući zabrinutost zbog sve više izraženog govora mržnje koji podrazumijeva sve oblike izražavanja, uključujući govor, fotografije i videosnimke kojim se širi, podstiče, promovise, otvoreno poziva ili opravdava mržnja među rasama, ksenofobija, anitisemitizam ili drugi oblici mržnje zasnovani na netoleranciji, uključujući netoleranciju izraženu u agresivnom nacionalizmu i etnocentričnosti, diskriminaciji i neprijateljstvu prema manjinama, imigrantima i ljudima imigrantskog porijekla;

Svjesni štete koju govor mržnje proizvodi ako je prenesen putem medija i uticaja na sve kategorije društva a posebno mlade;

Naglašavajući važnost i posebnu potrebu borbe protiv sve prisutnijeg govora mržnje kojim se širi, podstiče, promovise i opravdava terorizam;

Osudjujući ponašanja koja vode radikalizmu i ekstremizmu svake vrste;

Pozivajući, podržavajući i zalažući se za dosljedno provođenje domaćih, ali i međunarodnih dokumenata kojima se nastoji zabraniti i sankcionisati govor mržnje kao što su Međunarodna konvencija o ukidanju svih oblika rasne diskriminacije, Međunarodni pakt o građanskim i političkim pravima, Preporuka Vijeća Evrope o govoru mržnje, Konvencija o kibernetičkom kriminalu te Dodatni protokol uz Konvenciju o kibernetičkom kriminalu; a

Na osnovu člana 146. stav 2., čl. 149. i 206. Poslovnika Predstavničkog doma Parlamenta Federacije Bosne i Hercegovine Predstavnički dom Parlamenta Federacije Bosne i Hercegovine je na sjednici, održanoj 08.11.2016. godine, donio

DEKLARACIJU O OSUDI GOVORA MRŽNJE

Deklaracijom o osudi govora mržnje:

1. osuđujemo govor mržnje i izražavamo svoju spremnost na dodatni angažman u borbi protiv nje, te pozivamo na angažman svih institucija s ciljem njegovog sprečavanja i sankcionisanja;
2. pozivamo organe na svim nivoima vlasti, kao i nosioce svih javnih funkcija da se, svjesni svog uticaja, ustručavaju od i bore protiv govora mržnje;
3. pozivamo Vijeće ministara Bosne i Hercegovine i vlade entiteta na dosljedno provođenje međunarodnih dokumenata, a posebno Dodatnog protokola uz Konvenciju o kibernetičkom kriminalu ratificiranog 2006. godine s ciljem sprečavanja i sankcionisanja govora mržnje;
4. ukazujemo na potrebu dosljedne primjene krivičnog zakonodavstva i eventualnog pooštavanja odredbi u krivičnim zakonima o krivičnim djelima počinjenim iz mržnje;
5. pozivamo medije da se sveobuhvatno, interdisciplinarno i interaktivno bore protiv govora mržnje te da, svjesni svoje javne uloge i uticaja na javnost, maksimalno kontroliraju svoj sadržaj i onemoguće slučajeve zloupotrebe svog medijskog prostora za plasiranje govora mržnje, kao i da daju svoj doprinos u upoznavanju javnosti o tome šta je govor mržnje i kako se sankcioniše;
6. posebno ukazujemo na rastući problem zloupotrebe interneta s ciljem širenja govora mržnje;
7. ukazujemo na potrebu podizanja svijesti javnosti, civilnog društva i svih organa vlasti o krivičnim djelima počinjenim iz mržnje i primjerenim odgovorima na njih;
8. prihvatamo organizacije civilnog društva kao partnere u borbi protiv govora mržnje i ohrabujemo ih u aktivnostima koje poduzimaju radi borbe protiv govora mržnje;
9. pozivamo institucije na svim nivoima vlasti u Bosni i Hercegovini na provedbu zakona i organe pravosuđa na maksimalno angažiranje u skladu sa zakonskim nadležnostima u sprečavanju i sankcionisanju govora mržnje;
10. posebnu zabrinutost izražavamo zbog sve prisutnijeg govora mržnje kojim se širi, podstiče, promovise i opravdava terorizam - najveća sigurnosna prijetnja današnjice, te zahtijevamo puni angažman nadležnih institucija i društva u cjelini s ciljem sprečavanja i sankcionisanja takvih aktivnosti u Bosni i Hercegovini.

PFBiH broj 01-02-1514/16
08. novembra 2016. godine

Predsjedavajući
Predstavničkog doma
Parlamenta Federacije BiH
Edin Mušić, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (mailto:sllist@sllist.ba)

Kontakti

Centrala

Tel: 033/722-030

Uredništvo

Tel: 033/722-038

Pravna služba

Tel: 033/722-051

Računovodstvo

Email (mailto:info@sllist.ba)

Email (mailto:urednistvo@sllist.ba)

Email (mailto:info@sllist.ba)

